



## Sünndach is Mändach sien Nåwer

Sünndach is Mändach sien Nåwer,  
 Dingsdach hält de Schauster denn Håwer.  
 Middwoch kümmt hei wedder,  
 Dunnersdach kloppt hei dat Ledder,  
 Friedach schnitt hei tau,  
 Sünnaabend: ein Poor Schauh!  
 Hei har ja giern noch süsswat dån,  
 åwer dor wier ja de Woch vergåhn!



## Upståhn

De Dach, de graut,  
 de Katt, de maut,  
 de Klock, de schleit,  
 de Håhn, de kreicht,  
 de Hund, de bellt,  
 de Kæksch, de schellt,  
 de Håhner kåkeln,  
 un all de Vågels in´n  
 Bom spektåkeln.





## De lütte Hex

Morgens früh Klock söss  
 kümmt de lütte Hex.  
 Morgens früh Klock söeben  
 schellt sei gäle Ræben.  
 Morgens früh Klock acht,  
 dor ward Kaffee måkt.  
 Morgens früh Klock nägen  
 geiht' s ok rut bi Rægen.  
 Morgens früh Klock teihn  
 hålt sei Holt un Gräun.  
 Füert an Klock elben,  
 kåkt denn bet Klock twölben.  
 Poggenbein un Krääft un Fisch -  
 fix, mien Kinnings, kåmt tau Disch!